



國家清史編纂委員會·文獻叢刊

清代詩文集彙編

國家清史編纂委員會・文獻叢刊

一 清代詩文集彙編

《清代詩文集彙編》編纂委員會編

上海古籍出版社

清代詩文集彙編 五四二

寄圃詩草初集二卷寄圃詩草次集二卷 王 庚 撰

一

東園詩鈔十二卷 凌泰封 撰

六三

師竹堂文集十四卷補遺一卷 莫樹椿 撰

一六三

絳雪山房詩鈔二十卷絳雪山房詩續鈔六卷 楊慶琛 撰

三三三

絳雪山房試帖三卷 楊慶琛 撰

六一七

小栗山房詩鈔十卷花隴樵唱一卷 父慶源 撰

六四五

小栗山房詩鈔二集六卷 父慶源 撰

七四七

芙村文鈔二卷芙村學吟七卷 沈 豫 撰

八二九

同治十三年秋開雕

寄圃詩草初集

本宅藏板

序

歲壬午承乏陳守發題觀風北邑之文大率務高華而少沉實予多方獎勵頗不憚煩近年來文氣蒸蒸日上機矣而於詩賦詞歌及諸古體凡詞林所當行和聲以鳴

國家之盛者猶未概見佳構惟淮甯諸生王子寄圃本家學淵源現父子兄弟叔姪皆陳郡一時知名士嘗課岱宗臨眺詩有海氣三山黑河流一線黃之句予深嘉其眼界空濶飄飄乎有凌雲氣但未熟悉其人以觀其淺深未幾寄圃以公事來署與

寄圃初集

序

一

之語果爾胸懷磊落器宇軒昂顧盼之頃偉如也方厚期其遠到因薦爲同城都閫任公西賓俾得近課獎以資其學寄圃以他事辭不就予益重之乙酉鄉試曉前諸生以闡稿呈閱予決其必售者首則寄圃次則趙生青選及曉二子皆不第余笑曰非予之無識二子功名各有其時後自知耳雖寄語慰勉而至今猶代爲惋惜然切知其必不以諸生終其身無何聞寄圃目疾甚劇心竊憂之蓋予嘗病目數載而深知其難療也會沈邑張廣文詣郡語及之言沈有良醫亟爲薦之又屢覓良方寄其

家迄今皆未克濟焉又數月其子驥獨亦予之門下士因課來
謁袖出其父病日感懷惜札詞諸詩數十首求予批跋以慰其
親且具道抑鬱無聊狀言辭之間未免憂形於色及閱其詩雖
語涉牢騷而一種豪情落落有令人不忍釋手者況詩中之意
切切以庸醫爲諷刺是亦可謂有闕世教之文字者歟夫人而
不知庸醫之悞其何以爲事上育下窮理盡性之學也哉余既
感驥衛之孝又憐寄圃之才於是重其詩憫其疾殷然而爲之
語寄圃見之或因是以豁其心厥疾其有瘳乎勉之勉之調攝

寄圃初集

序

二

在已勿積鬱以喪厥志勿苦吟以耗其心懲忿窒慾則心地常
常空明塵障自然潛消異日者病痊得志將舉是詩而付之梓
人卽舉是語而冠之簡端俾我輩羣切庸醫之戒謹保全之術
是皆予之所厚望也夫

道光九年庚寅二月上粹

誥授中憲大夫河南陳州府知府前刑部陝西司郎中詹事府
右春坊右庶子通家生北平瞿昂子臯氏書於淮陽郡署之清
思堂

序

余同懷兄弟四人寄圃余仲兄也幼而沉毅美丰姿眉目朗然
如刻劃七歲入小學誦書日千言九歲能囑對愛詩歌始作七
言二韻詩動靜語默間快豁有遠志十一作帖括命三省吾身
題甫課卽成篇且結構浩瀚意思深長塾師大奇之是年出應
童子試郡伯陳公聞其名嚴覆之試秋溪獨釣臥治堂懷古諸
題仲兄作七古及雜體十數首公嘉其才屢刻前子又多餽賜
以示獎勵一時有神童之目十五出就外傳兼習騎射拈弓三

寄圃初集

卷一序

三

日發矢輒中鵠旋槍之先是有相者相仲兄曰君有文在手自
腕際起直如準繩徑數寸冲入中指末橫文此文名玉柱當以
武功顯況君體魁梧奇偉膂力絕人可習騎射以應其相至是
塾館束家子有習騎射者遂附而學焉後數月嚴慈聞而禁之
學遂止年十八補博士弟子旋擢邑增廣自是家道中落爲東
西南北遊賴館金以奉菽水雖學益篤而出入名場屢不得志
於有司北平瞿子臯夫子

簡命守陳閱其詩文深異之列爲門牆旋薦爲都閫任公營署

西席俾得近課獎以資其學仲兄以親老辭不就四十七遊商

西間疫癘後忽得目疾歸爲庸醫所誤遂至矇廢嗚呼天使之

耶人使之耶家運不昌而門第將衰使之耶孰綱維是孰主宰

是孰爲醫者而貽誤至於是仲兄既患目居常鬱鬱每有所感

輒慷慨悲歌淋漓陳詞發爲長短之謳吟左右之人迭相勸勉

仲兄乃喟然曰大丈夫自有悲憤非爾等之所知也旣而氣稍

平驪衢輩乃敢徐請其頃所爲詩疾書而登記之爾來八年於

茲矣爲時既久紙墨遂多檢點案頭已十數卷焉慘與驪衢輩

寄圃初集

卷一序

四

每一披讀至激昂慷慨處未嘗不涕泗交橫碎唾壺而扼腕太

息廢書長嘆者也夫立言之重鼎於功德我不敢知曰仲兄之

詩必傳于後世而無愧也第卽其詩反復而潛玩之取古人而

擬議之無一體結構蹈前人故轍無一語義旨落迂儒腐詞七

律七古尤啓後學無限法門卓卓乎自成一家別樹一幟也至

感發懲創處又能令讀者流連慨嘆於不自知擊節贊賞於不

容已蓋闢世裨民有若是之苦心也又何怪諸友之極力請梓

且捐金以助刊哉向使聽信相者之言早棄經書終練弓馬縱

名馳虎觀而躬際世運

昇平

國家無事之秋將於何處見其武功又復有此等文字以昭示

來許乎所謂不幸之幸者此也雖然更有說焉嘗見鄉黨之患

目致廢者不一而足苟得其養或數月而復明數年而復明十

數年而復明者所在皆有安知將求不能遇伊人起其恙以發

其光乎是在仲兄之善養也抑亦驪衢輩之責也

道光丙申中和節弟 慘謹敘於襄山客舍

寄圃刀尺 一序

乙

自序

余今年五十四歲屈指日思已八年矣養疾空林苦無聊賴日惟飯後一出則坐臥草廳問僕輩山田當耕者耕否圃中蔬菜當種者種否兒童報有客至則仍轉入內室恐慢客也晚詣密林書屋課兒輩夜讀此外胸中幾若止水向來飛動寂寞吳鉤雖素耽詩歌而叨承子臯師苦吟耗心之戒久不肯輕撰新句以勞神氣洗心滌慮欲靜息以自養耳所最難遣者春秋佳日偶與故人譙集或與子弟講論每至古人忠義偉烈及近今

寄園初集

序

六

有立功邊疆者輒嘖然奮興觸手爲題風發泉湧沛乎莫禦忽不知汨汨然慷慨而放厥詞蓋由目累中年悼一簣之莫展也此時坐客聽吾詩者或至隕涕驟輩環立默識恒疾書以記之累日成月累月成歲遂至稿紙層疊積滿案頭客有見者咸請全集付梓以相勉慰余曰德位之人可以言詩若僕者病廢潦倒之餘詎復以嗟嘆歌行交災梨棗貽笑大方乎諸君高誼未敢領也歲丙申有襄山之遊諸友之請梓者益力且各出資斧以助刊焉余始不敢固藏其拙以負諸君乃揀篋中舊日所

作古今雜體爲當時士大夫所謬相賞識者若干首編次以付剞劂惟冀二三同心友不棄對菲俯加筆削俾人人各源周賢之戒時時其慎調攝之方是則余之所厚望者也夫智名勇功與一切富貴利達人生世上自有一定位置不容半點假借半點倖邀但能平平淡淡全受全歸則

寄園初集

卷三

七

廊廟也可山林也可卽混跡風塵無榮無辱也亦何不可哉因念余昔時壯心勃鬱不滿薄才妄自期許嘗欲構數萬樹長林於陳郡之東野林四面週圍園圃林深處闢地築廬種植桃李盛栽松竹聳怪石於亭畔種奇花於階除結武功則秋冬射獵游文苑則春夏詩書燕趙豪傑之士足以資琢磨園林池沼之利足以供餽粥用以養器識而待風雲裕經濟而報國家區區之心期若是也乃弗知運數罔察時命始誤於太白金生材必用之說既謬於人定勝天有志竟成之論謂生穠不偶而志之所結終當少就否則器望晚成失之東隅亦可收之桑榆究之浮沉人海徒奮螭角邇來三十有餘年矣向之所志迄無成就又復抱昔時飛箭今日垂楊之痛富斯時也怨望牢騷

方竊怪天何故生之生之何故阨之阨之何故而又重阨之以至於此耶手無仙杖華峰難登身非列子搔首莫問苟非詩歌自娛而前不見古人後不見來者念天地之悠悠將於何處而愴然下泣稍吐其激昂慷慨於萬一乎此每有所感而集中諸詩所由作也然則余之詩也匪得已也無聊之已甚也迷途之未返也豈一事無成之餘猶欲以舞文弄墨塞此生建白之責哉識者當有以諒我矣近年來閱歷漸深磊塊漸平詩癖漸消理境漸精心地間彷彿若有所見又得石夢山人所指教然後知生材必用者狂狷豪放之氣也人定勝天有志竟成者聖賢自強之學也亦若是則已矣至成敗利鈍顯晦通塞則無古無今無貴無賤無聖無狂無不肖一聽於悠悠之數而無可如何蓋天理之天不能奪天數之天也尚何言哉尚何言哉雖然此等迷悟關頭古今來不知斷喪幾許英雄貽誤幾許豪傑尤願普天下失意才人於無可如何之日見吾詩而豁然夢覺恍然開悟其浮三大白仰對山月一聲長嘯令萬化之皆空乎天闕北堂之責隨其所分以心報之事功之効姑俟異日異日

不能俟之子孫未可強勿自苦也

道光丙申穀雨前一日寄圃王庚自題於襄山客舍

寄園詩草初集卷一

淮陽王 庚華金著 男

雲衛編次

同懷弟 穆蔚亭訂

岱宗臨眺

僧道盤東嶽登臨人上方峰巒雷漢樹練馬辨吳閭海氣三山
黑河流一線黃誰言通帝座搔首尚茫茫

遠遊歎

古人一日養不以三公易人經歲別風塵爲末吏甚至升斗

寄園初集

卷一

十

營爲之留異地淹淹西山景念我勞夢寐關塞一日遊庭幃一
日棄焉知堂上年一往難復至白楊悲風來蕭蕭炎涼異念此
熱中腸勳業皆虛器况乃昔所求蝸名蠅頭利所得不償失辜
負明發志寄語遠遊人當思老萊意

客中久雨

那堪今夜雨野水又盈盈桂玉鄉心切歸舟入夢輕

江舍

曲徑通田舍深蘆接岸沙秋天常雨霧江市半魚蝦酒煮風林

葉爐烹雪水茶應留平日醉何事更天涯

野興

宿雨初晴後沙行半醉餘桃花紅滿岸溪漲綠平渠山峻攀援
絕雲深步履徐豁然開朗處遙見迓秦居

古少年行

燕中有豪士英風憶少年十二讀經史陳書得異傳十四投筆
起壯志何凜然十五入山學擊劍二十請纓臨征戰虜騎南下
賀蘭山萬里從軍出漢關漢關夜半驚刁斗敵軍已敗雲中守

寄園初集

卷一

十一

平明官軍會敵軍兩軍陣定晝昏昏少年豪氣吞逆醜怒馬當
頭立陳門虜騎迎戰嚴鉦鼓黃埃漫漫揚威武漢兵台圍勢如
雷奮迅霹靂而地迴虜騎大亂忽北走少年奮擊殲渠首乘勢
掩殺凱歌還不知虜廷何人手主帥從此萬戶侯茅土封爵國
同休子孫世襲黃金印奕禩功名青史留衛霍巨績由天定奇
數將軍命不猶皓首歸來無舊業烟波江上理漁舟暇日置酒
忽心熱壯懷滿抱無人說安得清風吹浮雲一一訴與天邊月

春日晚興

滿村紅杏酒初醇十里平沙靜晚塵何處少年馳獵馬江南花
月夜遊春

香籠新月暮烟生暖入池塘柳絮輕萬樹桃花深渺渺不分明
處是春城

美周詞

甲午十月遊周口鎮聞李君燦斗有已故友之幼子來
謁友固淮陽名士門下多所成就及歿而家甚貧其子
苦學不忘至是來謁李君憐其貧而早孤待之厚饋膏

寄圃初集

卷一

七

火資遣歸且囑曰乏則復來勿使家計累學子感李君
友誼之誠篤於生死又餽贈豐儉得宜俾曲就成立因
爲七古二首以美之命曰美周詞

維鶴之孤維予憂之故人有子君惠周之周之何須費瑤琳困
日千錢抵萬金范叔不薄綈袍贈王孫常懸疏飯心稚子遠來
殊不易繁霜百里懼寒侵老坡仙去嗟何早念爾孤幼守空林
空林積雨遲烟火典到陸翁壁上琴出門惘惘復何處泱泱江
水望知音今日來謁酌壺酒爲爾區畫一沉吟嗟嗟且慰風雨

父執子之手共沾襟此意原出至性裏泉下聞之人應起使我
惻然念重湖當年意氣誰堪比當年拔山蓋世英雄今日難保升
谷米當年桃李花滿庭今日不見門前屢慨當以懷心悲傷盛
衰之感何能已扶危濟急獨賴君嗟哉如君今有幾故者無失
親者親交情生死見天真願將此日憐才意說與富途趨勢人
古人周急不繼富今人繼富輕貧素繼富者名馬文錦常嫌少
輕貧者簞食豆羹常煩惱何況囑令源源來窮途垂念小坡才
小坡今年纔十五前程萬里望蓬萊萬里蓬萊難遽到三更燈

寄圃初集

卷一

七

火會需財當是時而不作蘭膏贈恐爾衡廬困頓道心衰當是
時而遽投千金餽恐爾英氣疏濶奢念開從中酌取成全計然
後知重來之一語抵瓊瑰此時肯作重來語此意直通泉下臺
五陵尋勝方未已易其父兮結羅綺羅綺叢中望仙源遙指紅
樓彩雲裏羊酒與馬紛紛來紛紛共向桃與李桃李花開自成
蹊桃李花飛路萋萋惟望鮮花勤徵逐誰念涸轍困塗泥嗟君
獨濟涸轍否涸轍滴涓皆堪美何必豪俠浪沽名投贈輕奢巨
萬累杯勺潑起西江水

此作稿既成葉廬峰先生見之喟然曰是所謂有關世教之文字歟夫風雲月露之詞雖連篇累牘祇以寄吾興而適吾情其於世道人心何補乎此作情詞凱切至性動人恨不令天下慷慨士頌見此詩爲之同聲一贊又恨不令天下單寒友頌見此詩爲之同聲一歎也會須先將此詩刻刷一紙徧示同人庶不負作者苦心予曰何敢當此但使世有知者期不沒李君之美誼云自記

癸巳謁先祠感懷

寄圃初集

卷一

十四

十載成祠近若何茫茫回首恨偏多躬修家政猶新跡手植庭梅失舊柯誰憶樓臺思結構忍教門第暗消磨雙眸轉幸今朝廢不向秋風嘆黍禾

唐棣歌示弟蔚亭初度

唐棣樹當庭路先人所植花開幾度初度花濯濯再度花如故奈何人老不如花今年鬢比去年華白楊蕭蕭兮人何在白雪渺渺兮望已賒苦恨天倫樂事少況汝初度慣天涯今年喜爾暫留家醉歌唐棣滿樹花

望巫峽摧仙槎望蜀道多險崖何彼唐棣繁繁其華我有兄弟無以爲家無家豈足爲敵虜下將緩履空搔首山田典盡升合難任是胸中羅八斗唐棣花開四十年悲君如對十園柳陟岵陟嶧銷我魂悠悠泉路頻酌酒慨當以慷心悲傷烈士銜恨惜衰朽無那年年初度辰阿兄阿弟常分手今日與爾忽團圓命酒澆下興飛迺看劍且盡杯中物不管明朝道路難上二歌聽莫訛第一歌催顏酡使爾聽之舞婆娑第二歌嘆蹉跎忽作變徵悲風過悲風爲我中庭起滿座聽之淚滂沱淚滂

寄圃初集

卷一

十五

沲兮皆感嘆三歌無復重操縵一時羣動發我心愁對唐棣花爛熳

贈歌者

唱罷青山唱綠波聞君長嘯醉顏酡奈何去國三千里依舊天涯自放歌

詠蟬

莫謂泥塗困飛昇自有時三秋藏下土一旦附高枝出地風雷助朝天雨露滋和聲人共羨廉靜情誰知

早春晴雪

殘雪初消野迤斜青青麥隴半抽芽寒雲退盡春風到指日城南有杏花

仙客行

道光辛卯趙石臺青選登賢書明年春北上禮闈因長歌送之凡六百四十四言命曰仙客行

羣山萬壑環天水天水林巒稱絕美鍾靈毓秀幾千年豪雋登仙看鼎鼎淮陽有客號石臺派分天水稱仙才何年煉得羅仙

寄圃初集

卷一

末

妙凌空飛向月中來月中歷盡極深處望舒促客聯跬步云是天仙座上賓道經蟾宮難久駐嫦娥爲啓清虛扉勅令傳呼驚雲霧鎖闌仙關出廣寒旬然中開青雲路仙客奮袂登青雲寒氣憑凌兩腋分手援天馬空中起足躡鴻毛月下賁毛豐馬健雲迷迅瞬息長空天雞聞天雞寥呼割昏曉雲氣赤騰湧日昕雲氣漸赤星漸灝韻雲憑虛探氣氤斗極光燦疑不遠茫茫何處衆仙羣但上層霄莫天問排空馭氣精神振白虎蒼龍近可捫帝車河鼓聲遙震忽入大陰星漢回雲垂海立迷難進當是

寄圃初集

卷一

末

時雲間飄渺意如醺茫乎若昧衝雲陣儔度仙客朝帝閣天仙玉女爲默運天仙默運金蛇飛神境欲現列缺奮列缺霹靂落彩虹豁然開朗天門近城郭壯麗羣仙都日月光華輝神郡鼎宮寶殿聳崔巍金闕瓊樓何崇峻巍巍峻峻歸青冥鳥飛不到虹千仞踏盡長虹上紫宸間闔洞開隱重闌重闌深處紅雲起紅雲起處望天尊天尊可望不可卽隱隱通明真宰存霞珮雲冠何燦爛霓裳羽衣氣渾淪寶鬘鸞虎天威赫華蓋鈴旛仙仗陳仙鐘仙磬傳仙蹕仙部仙曹列仙門千變萬化神仙府使人

視之動魄魄異彩奇情嗟何有仙客逡巡凝神久疑神遠邇不敢前彼仙人兮爲握手仙之人兮列如麻雲之君兮雲生肘雲霞亂兮仙隊移仙幃飄兮雲霞走雲霞開兮仙班分雲霞合兮入星斗天孫爲進雲錦裳仙筵爲奉瓊漿酒紛紛簇擁仙客來仙客忽作羣仙首於戲高哉羣仙高會舞僊僊仙客舉觴思綿綿綿綿不忘疇昔路含情蓄意衆仙前分星挾漢成高會呼吸之氣已臨天不知呼吸能通處可許一一問塵緣徘徊獨立千尋表迴頭下視意茫然迴頭下視茫無底颯颯天風爲君起風

起雲湧不見君但知君在風雲裏一聲呼隴三千里

短歌行

予既作仙客行以送石臺覺胸中磊塊未平命酒澆之
益復勃然故又爲此以自遣並錄之俾石臺知我衷也
送君北郭外置酒澆磊塊送君須作歌舉觴歌者再一歌爲寄
園一歌爲石臺歌君有餘興歌我有餘哀興如長勺擊一鼓君
聽歌君應起舞哀如七歌哀杜甫君聽歌我淚如雨鵬飛九千
萬里遙羨君直上真人家人生三萬六千日恨我困頓臥蓬室

寄園初集

卷一

扶

醉後慷慨興淋漓將相無種要人爲我生鬱鬱不得志悲哉李
廣老數奇今君翩翩雲中路莫忘長歌別君處

臨別曲送石臺

長銖困豐獄終年無一曲今日送君行雲途歌未足一歌發
雲生衣再歌發兮雲繞几三歌未竟雲四起滿座紛紛雪亂飛
今日送君雲中去佇看乘雲錦衣歸

垂釣口占

山雨經旬鯉正肥清江一曲抱村圍春流肯與主人便白板門

前築釣磯

上從叔祖南廬 朝珍

伯牙操一曲鍾子爲興起高山知在山流水知在水賞知在性
靈感通無其匹況乃一脈人同託先世體我歌多慷慨君聽悲
難已我歌忽發揚君聽欣然喜溯洄四十年同心今有幾孰憶
歸還後故里存知已伏櫪何足道相期雲霄裏

園松

陟彼南園言觀其松君子至止莫觀其容既倚且徙烈烈其風

寄園初集

卷一

九

彼蒼者天栽培弗終松兮松今莫庇我躬兮

有松有松鬱彼南園昔我往矣不遘寧處今我來思既廢且篤

彼蒼者天夢夢莫覩遲遲者日困此大木

嗟彼哲匠誰復顧之霜皮溜兩牛羊牧之英萎沐膏桃李如之

鬱鬱蒼蒼悲不乘時生生世世此恨誰知

訪隱詞

雲深不見人但聞仙犬吠吹時起天風桃花落滿地

白啣

春來日日賦東風，律細晚年漫與同意。匠鐫詞聲，戛戛心燈燭。韻夜熊蕉調音，可許金垂地。琢句惟憑手，畫空几淨窗明書不。得終朝詩味壘胸中。

嵩山

連日嵩峯近，今朝逼望真。地樞分四部，天險鎮三秦。竹茂常留客，山高欲送人。夕陽回首處，寒氣尚盈身。

庚寅寄葉柳塘先生

天地生才定有緣，思君底事已衰年。英英欲振心猶在，嶽嶽懷

寄圃初集

卷一

辛

方志尚懸不信商，山終皓首曾聞渭水駐。高賢奈何詩酒垂垂老，一任五陵先著鞭。

嗟予角勝走中原，三北劉蕡未改轅。豪氣不除終似馬名心，太重總如猿君方。聞調悲流水，我已懷愁歸故園。四十餘年來往，誰可能一一爲人言。

忽覺今朝酒力雄，懷君扼腕歎匆匆。三書計盡桑榆晚，七貴門高道路窮。冀北騏驎皆聲轡，淮南雞犬盡乘風。夜郎被逐成都困，誰諱吳蒼不賸雕。

寄圃詩草初集

覆雨翻雲莫自由，且隨人海共悠悠。瓊漿金醴隆新進，高鳥良弓憶舊游。鸚鵡誰終香稻粟，鳳凰難老碧梧秋。爲君一顧西川道，不恨儒冠誤白頭。

獨念追隨事尚存，情深嘉惠可能論。春風遊盛嘗聯轡，夜雨談心每共樽。一飯王孫非望報，半生國士未酬恩。那知忽作籠中鵩，轉使高年繞夢魂。

出來文字有因緣，鍾愛如何覺更偏。看劍幾回催壯志，臨風渾欲助高騫。引入人入勝，開三昧爲我讀書計。萬全廻首可憐期，計

寄圃初集

卷一

壬

意竟從波浪憶青蓮

一卧滄江歎久離，衷情欲訴已淋漓。英年豈信窮途厄，飛將難逃老數奇。既向三生尋覺悟，猶從萬里憶驅馳。酒澆不下龜蒙恨，除卻青天更寄誰。

賈晉河感懷

分明船上見花飛，掉入深溪霧四圍。力盡輕篙人意淡，仙源難覓又空歸。

秋雨

秋雨連綿一月餘舍南舍北半成渠江村稚子無塵務不是讀書便釣魚

宮詞

風靜天街暗綠紗深庭露溼夜香花水晶簾捲人歸帳一枕巫山月半斜

戊子杜小漁鍾魯見過

君來殊不易握手一傷神風雨勞鞍馬關山隔渡津贈詩開舊癖饋物念清貧荒圃淹留意平生問幾人

寄圃初集

卷一

圭

寄賈柳塘貫儒

故人醉後上山莊夜雨途經柳岸旁幾令平塘成苦海旋教九烈渡慈航事臨患難恒懷友身出風波每斷腸爲問誰施援手救良朋迴首竟茫茫

夜半人歸醉舊醅舍南舍北水潏洄米家山暗廬難辨藥園雲深路費猜豈料循途猶失足果然緣木竟無災知君不是池中物風雨憑陵躍上來

身事由來多險機誰堪輕去董生帷風濤豈盡巫山峽猛浪常

蓬采石磯莫道眼前危徑少須防陷後故人稀池塘自古懷兄弟春草從今憶醉歸

矢足今朝意共傷無端感事露圭鉞江郎抱恨情詞切杜老懷人波浪長舛錯歷經皆是造泥塗超脫定非常此言欲寄雲中鶴山水迢迢隔渺茫

傳悲懷

蘇公致仕旋里築松園於郡城之西士大夫遊其園者輒冠蓋相望有潁濱高士趙君號勁節者與公本不相

寄圃初集

卷一

圭

識一日來遊公待茶清談辭歸問園中所少何花公以素無者對後月餘趙之弟職名花數十本送至惻然敘阿元已故今奉遺命來送諸花蘇公深爲感歎向予述其事予感而爲此以彰趙君之信義云

昔日與君昧生平許我名花道姓名今日與君隔重淵使我對花意悄然憶君昔將名花許卧病猶傳遺命語有弟慷慨繼阿兄將花送至淚如雨人要不忘自古難况乃閔情可共寬趙君言踐隔生死克復前約骨未寒英靈之氣何能滅魂兮歸來還

情隔主人念此不成眠懷君望斷山間月山月今夜影徘徊故人入夢傍宵來衣冠不改平生舊談笑全無隔世哀手持一本紅蘭草問我此花栽未栽眼觀三徑磁盆并問我前花開未開欲去我畱爭歡際苦恨鐘聲動城隈醒後不知魂何處松園月照迷烟樹烟樹迷離不見君惟見明月中空度

遣子謁吳竹溪不顯歸後寄之

契濶年來別恨多竹溪光景近如何誰知老去蹉跎甚淚灑東風送小坡

寄圃初集 卷一

乙未早春載酒訪柘城姻家寶南墅玉尺小飲

殘雪初消露道趁春泥漸滿滯車徒少時縱轡憐今我夢裏揚鞭快故吾連歲逢荒人易老經年作客難圖奈何遠道將片獻祇有秋林酒一壺

早春曉行

郊野東風細輪蹄曉露溥途遙憐馬瘦裘敝怯春寒江畔冰猶合山陰雪半殘雲林縹緲氣已作畫圖看

從軍行示諸子

五

寄圃初集 卷一

一人有福託及滿屋滿屋不知愁一人何碌碌朔方健兒二十七一冠三軍稱第一兵餉傾得升斗來山廚烟火笑顏開問渠烟火來何處秋水年年頻告災老將飛箭衰殘久蔭庇無術空徘徊嗟哉擾鋤須勤儉莫累阿昆奮行閑之奇才培植健兒好身手西征一戰平敵虜與爾同飲黃封酒

乙未代子驥衛寄上魯山房而鄭明府鑒

前年兩出趙公門空憶仙葩近可捫今年重向清虛府望舒復贈吳剛斧小山攀躋事如何苦恨劉郎斧未磨瓊樓玉宇遊不得渺渺宮牆想玉珂悵然空返重堪惜辜負仙人推薦力魯山魯水悠且長桃李春風滿縣香何時趨叩花深處仙源細問出前路

豪飲詞贈柘城梁題名金榜

昔我雖好飲數旬纔一樽今必逢令節始向杏花村又或風雨故人來山荆爲我甕一開外此不作尋常酌所謂飲者安在哉惟有襄山故人稱豪士壺觴克滿平生志一觴堪封萬戶侯一醉真休如天事漫說白眼望青天何妨玉山頽平地昨日我訪

五

襄山南雲水灣中列數觥自從中和時節起飲遇上巳三月三
一年三百六十日三百五十九日酣問君底事經年醉風景醒
醒不耐觀歷晦明閑林巒烟雲萬狀變化無端合教醉眼朦朧
看

和湖南廖春泉孝廉宗湘元韻

混跡風塵三徑荒邇來身事兩茫茫青年壯志雲歸岫白雪新
歌韻繞梁愧我才疎追仲景知君學苦繼孫康他時畫錦能相
顧好醉牀頭舊燕漿

寄圃初集

卷一

亭開橋井古泉香久慕蘇仙居上方勝地高風原不遠名都過
客定非常題橋暫駐三朝轡舞劍頻驚午夜涼指日曲江開
御宴杏花十里看君忙

寄圃詩草初集卷二

淮陽王 庚華金著 男 雲衢編次

同懷弟 穆蔚亭訂

夜雨感懷仿陳子昂登
幽州城樓體

憶昔日之山川感今夜之風雨撫身世之茫茫獨扣鬱而誰語

早發大冢道中

旅夜聞雞起長驅入汴中月明關樹黑霞蔚海天紅迢遞京師
路崔巍帝子宮曹門誰早度匹馬戰秋風

寄圃初集

卷一

瑞雪

天雨珠天下寒者難為襦天雨玉天下飢者難為穀雨珠雨玉
皆非瑞惟有雨雪瑞為最況復今歲雪非常平鋪瓊瑤無盡藏
不及一尺瑞猶淺一尺二尺瑞方長三尺為瑞瑞已極江天彌
望何茫茫一連三日民稱足衝動梅花萬樹香梅花香散知臘
盡春酒家家進壽觴狗鯁哉桑麻隴上梨花飛天下從此不愁
衣稻梁塘邊楊絮起天下從此不愁飢無飢無寒盈天樂如此
瑞雪古來稀如此雪瑞來何處長天如畫尋佳句灞橋不識復